

雜  
劇  
三  
集

雜劇三集序

造化氤氲之氣分陰分陽貞淫  
各出其貞氣所感則爲忠孝節  
烈之事其淫氣所感則爲放蕩  
邪慝之事二氣並行宇宙間光

怪百出情狀萬殊而總繇文人  
之筆傳之文人之筆或寓言或  
紀實想像形容千載如見由是  
貞者傳淫者亦傳如三百篇中  
不刪鄭衛聖人以爲男女情欲

之事不必過遏詞人狂肆之言  
未嘗無意貞淫並載可以爲勸  
可以爲鑒有其文則傳其文而  
已漢魏以降四言變爲五七言  
其長者乃至百韻五七言又變

爲詩餘其長者乃至三四闋其  
言益長其旨益暢唐詩宋詞可  
謂美備矣而文人猶未已也詩  
餘又變而爲曲蓋金元之樂嘈  
雜淒緊緩急之間詞不能接一

時才子如關鄭馬白輩更創爲  
新聲以媚之傳奇雜劇體雖不  
同要於縱發欲言而止一事之  
傳文成數萬而筆墨之巧迺不  
可勝窮也元詞無論已明興文

章家頗尚雜劇一集不足繼以  
二集余常閱之大半多綺靡之  
語心頗不然以爲此選家之過  
也已而思之人苟不爲名教束  
縛則淫佚之事何所不有有其

事則不能禁其傳有其傳則不能禁其選如長卿之於文君衛公之於紅拂非人間越禮之事乎而風流家言反以爲絕好一椿公案至願效之而不可得噫



氣運日降淫倍於貞文人無賴  
詩變爲曲諷一勸百時勢使然  
言之者無罪選之者豈任過乎  
近時多以帖括爲業窮研日夕  
詩且不知何有於曲余以爲曲

亦有道也世路悠悠人生如夢  
終身顛倒何假何真若其當場  
演劇謂假似真謂真實假真假  
之間禪家三昧惟曉人可與言  
之木石鄒年兄梁谿老學宿有

契悟旁通聲律近選雜劇三集  
成囑袁子重其索余言余閱其  
三十餘種近今名流鉅公之筆  
搜採殆遍達情叙事閎暢詳明  
貞淫錯出各遵至妙殆真所謂

有其文則傳其文可以爲鑒可  
以爲勸者也是其爲雜劇也可  
以傳也袁子歸其以此言告吾  
木石可乎

小弟灌隱人題

小引

詩亡而後有騷騷亡而後有樂府樂  
府亡而後有詞詞亡而後有曲其體  
雖變其音則一也聲音之道本諸性  
情所以協幽明和上下在治忽格鳥  
獸故卿雲歌而鳳凰儀淋鈴作而馬

鬼走夫子刪詩曰雅頌得所然後樂  
正未嘗分詩樂爲二其後士大夫高  
談詩學不復稽古永言和聲之旨遂  
專以抑揚抗墜清濁長短責之優伶  
淫哇相襲大雅淪亡而五音六律九  
宮十三調漸作廣陵散雖以鐵崖之

才酸齋之學不得與王白闕鄭輩並  
驅爭先而張打油胡釘鉸幾幾乎廁  
足詞壇亦可哂矣自憲府先賡王康  
嗣和士大夫始知章甫端冠外別有  
此一種風流教化於是有詞隱先生  
起而主持風雅明陰洞陽引商刻羽

爭衡於調之全半較辨於板之寸分  
窮工極巧究竟自然嗣後作者波委  
雲屬司馬標秀於新安玉茗稱雄於  
江右山陰以瑰奇自異荀令以尖冷  
鳴新婁水王吳痛決與濃麗爭驅吳  
江沈孟雋永與縱橫競爽究其所得



各擅專長邇來世變滄桑人多懷感  
或抑鬱幽憂抒其禾黍銅駝之怨或  
憤懣激烈寫其擊壺彈鋏之思或月  
露風雲寄其飲醇近婦之情或蛇神  
牛鬼發其問天遊仙之夢雲璈疊奏  
玉屑紛飛以至字忌重押韻黜互犯

固足踵元人之音奪前輩之席矣然  
而北曲南詞如車舟各有所習北曲  
調長而節促組織易工終乖紅豆南  
詞調短而節緩柔靡傾聽難協絲絃  
又全部宏編意在搬演不重修詞臨  
川而外佳者寥寥不若雜劇足以極

一時之致辟之狹巷短兵殺人如草  
東坡所云數尺而有干霄之勢者令  
人目炫眉飛也幽居無事郵筒往來  
得若干種先梓行之用公同好或有  
桃花扇動竹葉尊開黛顰春山齟呈  
皎雪低徊宛轉頂疊闕生如香雲捲

雨寒玉嘶風欲歌欲泣欲眦裂欲魂  
銷言之者無罪聞之者足以戒倘亦  
小雅之志風人之遺乎憶幼時侍家  
愚谷老人稍探律呂後與叔介弟教  
習紅兒每盡四折天鼓已動今風流  
雲散舞衫歌扇皆化爲異物矣是刻

亦過雁之一唳也爲之三嘆

辛丑秋香眉主人鄒式金題

跋

自有天地卽有元音而其言情者則莫過乎詩詩  
三百篇不刪鄭衛一變而爲詞再變而爲曲體雖  
不同情則一致正如川瀆之歸海洋洋洋乎大觀也  
其傳於世者元人百種鳴盛於前明代兩集繼媿  
於後類皆膾炙人口鼓吹詞壇所謂情之所種蓋  
在是矣嗣後作者代興而全帙尙缺每與同志怒  
然傷之家大人幼侍愚公先叔祖於歌舞之場魯  
於桃花扇影中悉其三昧而余亦過庭之餘習聞

緒論用是留心博採凡壇坫之所裒及郵筒之所  
致得若干首選付梓人或清商迭奏傳軼韻於金  
元或錦繡紛披踵妍思於關董或以筆代指如月  
明滄海之聲或翻譜爲新有木落洞庭之怨洵元  
龜之非寶知大貝之無奇而天地元音亦藉此復  
振矣近世詩學大興選家競出而南北九宮棄置  
不講以爲此優伶之能事非儒雅之兼長淫哇雜  
進風雅云亡余既有百名家詩選力追盛唐之響  
茲復有三十種雜劇可奪元人之席庶幾詩樂合

一或有當於吾夫子目衛反魯之意乎故於刻成  
妄識簡端如此

壬寅初夏鄒漪流綺識於夕佳樓



雜劇三集目錄

卷之一

通天臺

灌隱主人

卷之二

臨春閣

吳梅村

卷之三

讀離騷

尤悔庵

卷之四

弔琵琶

尤悔庵

卷之五

空堂話

鄒叔介

卷之六

蘇園翁

茅孝若

卷之七

秦廷筑

茅孝若

卷之八

金門戟

茅孝若

卷之九

醉新豐

茅孝若

卷之十

開門神

茅孝若

卷之十一

雙合歡

茅孝若

卷之十二

半臂寒

南山逸史

卷之十三

長公姝

南山逸史

卷之十四

中郎女

南山逸史

卷之十五

京兆眉

南山逸史

卷之十六

翠鈿緣

南山逸史

卷之十七

鸚鵡洲

鄭無瑜

卷之十八

汨羅江

鄭無瑜

卷之十九

黃鶴樓

鄭無瑜

卷之二十

滕王閣

鄭無瑜

卷之二十一

眼兒媚

孟子若

卷之二十二

孤鴻影

周芥庵

卷之二十三

夢幻緣

周芥庵

卷之二十四

續西廂

查伊璜

卷之二十五

不了緣

碧蕉主人

卷之二十六

櫻桃宴

張來宗

卷之二十七

昭君夢

薛旣揚

卷之二十八

旗亭讌

張掌霖

卷之二十九

餓方朔

孫笨菴

卷之三十

城南寺

黃漢臣

卷之三十一

西臺記

陸晚菴

卷之三十二

衛花符

堵伊令

卷之三十三

鯁詩識

土室道民

卷之三十四

風流塚

鄒仲惜



通

天

春

通天臺

灌隱主人著

正目

沈左丞醉哭通天臺

漢武帝夢指函關道

第一齣

生扮沈左丞上。憶秦娥。愁脉脉。江山滿目傷心客。  
傷心客。長干夢斷。灞橋聞笛。天涯夢斷看衰白。  
秦川對酒青衫濕。青衫濕。冷猿悲雁。暮雲蕭瑟。  
小生沈炯。表字初明。吳興武康人也。少不逢時。長而

遇亂王太尉拔爲從事。元皇帝授以左丞。不意國  
覆荆湘。身羈闕隴。雖其未殞。豈曰生年。老母在東。  
何時歸養。只有庾子山。王子淵二人。是吾好友。每  
到邸中。時相勸勉。他也說得好。孔北海之痛孝章。  
恐憂能傷人。李都尉之勸子卿。何自苦乃爾。似這  
等淒淒默默。扯著悶弓兒。怎挨得過。不如尋芳選  
勝。放下心頭。或者還有歸去日子。我口裏雖然應  
他。却不道大丈夫萬斛愁腸。可是消遣得來的。不  
如步到長安城外。荒涼地面。痛哭幾場罷了。奚童

那裏。丑上老爹、有何分付。生我要尋一處散心的所在。丑老爹、你鎮日在屋裏挖皺眉兒住著。今日也帶挈奚童走一遭。我們到大街上山棚裏看尋。撞跳丸、渾脫舞、婆羅門舞、耍子去。生咳、那裏王孫公子、敲擊肩摩、我這等破帽、青衫、跟著你、蓬頭、歷齒、非鞭、揮車、下、則馬、墮、溝、中、看他怎的。丑還去瓦子裏尋幾箇雛兒。我曉得老爹出外久了。生咄、胡說。丑大街上新開箇南食店、做得好百味羹、三脆羹、爹去走走。奚童也落箇水角兒。生我要長安城

外去。丑遠丟丟的驢韉子也走斷了。生你不要管我出得門來已是幾里。你看偃師南望半屬蕪城。新豐回首空餘槐市。恰遇著黃葉丹楓。亂蟬疎柳。好一個清秋天氣也。那一邊直城北轉。輶道西偏。遠遠望見的甚麼所在。奚童你去問來。丑賣山亭的老官。借問一聲。那裏高高的。我們上去的得麼。內是一座荒臺。生咳。我想起來。凌歊戲馬。阻隔淮徐。銅雀章華。淒涼荊許。這是那一代改造的。看去約有三十丈來高。想望得見長安城裏。待我登眺。

隋家清夜  
遊南唐念  
家鄉亡國  
樹彈情事  
凄然而乃  
以漢人錢  
歌手出之  
太奇

一回奚童你沽一壺酒來丑老爹沽得酒在這裏  
點絳唇生萬里思家青袍布襪西風乍落木寒鴉  
一道哀湍下

混江龍則看那終南如畫荒臺百尺攬烟霞丑老  
爹那邊有金字牌額哩猛擡頭幾行金字一弄兒  
明紗原來是漢武帝通天臺咳武帝甘泉萬騎那  
裏去了今日冷冷清清坐地只落得沈初明一箇陪  
侍他赤緊的漢室官家閒退院不比箇長安縣令  
放晨衙黃門樂承值的樵歌社鼓上林苑開遍了

野草閒花大將軍掉脫了腰間羽箭病椒房瘦損。  
却臉上鉛華山門外剩幾箇淚眼的金人。廡廊邊。  
立一疋脫韁的天馬。早知道通天臺斜風細雨省。  
多少柏梁宴浪酒閒茶。  
**丑**原來是箇武帝。我們家裏有箇武帝來。  
**生**咳。這是漢家的武帝。我們是梁家的武帝。那兩箇皇帝。漢家的好仙。梁家的好佛。  
好仙的。黃山宮。五柞宮。吹笙弄笛。彷彿遇鶴駕鸞。  
驂。好佛的。智度寺。同泰寺。說偈繙經。苦守著馬鳴。  
龍樹。那兩箇都是肉身菩薩。陸地神仙。今日價兩。

代銅駝都化做一杯黃土。你看那疎刺刺一帶寒林。好似茂陵光景。**丑**是是我放鷄子。走到這林子裏。那樹木果然盛茂。人人說道是箇茂林。**生**咳。煞可憐人也。

**油葫蘆**石馬嘶風。灞水注那北邙山直下。茂陵池館鎖蒹葭。珠簾零落珊瑚架。玉魚沉沒蛟龍匣。說的是松楸埋寶劍。那裏有鷄犬護丹砂。儘生前萬歲。虛脾話。賺殺人王母碧桃花。咳。大丈夫仙釋無成。古今同盡。這也還是常事。只是興亡大事。理數



昭然那尋常人主。呆鄧鄧享些厚福。到不消說起了。便是兩箇武帝。聰明才智。那一件不是同的。畢竟我蕭公是苦行修持。那漢武還雄心瀟灑。這一個落得個收場結果。那一個爲甚的破國亡家。如今到通天臺上。天在何處。待我問他一番。奚童酒再篩幾杯來。丑送酒生持杯仰歎介。

**天下樂**好教我。把酒掀髯仰面嗟。你差也不差。怎的呀。做天公。這等裝聾啞。文書房。停簽押。帝王科。沒勘查。難道是儘意兒糊塗。罷別樣也不講了。只

是漢武一生享用。把我梁武比將起來。那壁廂千  
秋節。美甘甘排列的鳳脯麟膏。這壁廂八關齋。瘦  
崑崙受用些葵羹蒲饌。那壁廂尹夫人李夫人三  
十宮長陪遊幸。這壁廂阮修容丁貴嬪四十載不  
近房帷。原來是甘泉殿裏金童姹女簇擁著一個  
大羅仙爲甚的。朱雀桁邊餓鬼修羅捏弄殺我那  
窮居士。咳。我那武帝好不傷感人也。生淚唱

**那叱令** 你看他用的粗糲。沒上尊瓊。單看他住的  
低亞。沒長楊廣廈。看他擺的頭踏。沒龍媒泛駕。那

裏有黃門倡。拊掌投壺暇。那裏有平陽侯。蹂損終南稼。苦苦的一世官家。

**鵲踏枝** 他每日裏誦楞伽。誰識起禍根芽。乾折了幾尺腰圍。修不了一衲袈裟。起首兒玄圃園齋時。鐘鼓收場時。永福省酒後琵琶咳。我武帝到飢死臺城的時節。佛也該應來救了。**生哭介**

**寄生草** 日氣寒宮瓦。江聲怨野沙。則爲俺春秋高邁遭欺詐。害了他青年兒女擔驚怕。還靠著西天活佛慈悲化。可憐俺病維摩誰點趙州茶。眼看他

啄皇孫。砍做了潯陽鮓。我武帝還做官裏四十年。  
簡文帝可有一日來。

**前腔** 枉坐中朝。駕虛生帝子家。女山陰生扭做關  
氏嫁。小宣城折倒了公孫架。到不如老昭明。早受  
了江充詐。叅不透惡那叱前果。沐猴冤免了他苦  
頭陀。來世人王罷咳。我想漢武帝娶皇后。還落箇  
小舅子。做得大將軍。祖公公托夢。撞著箇妄男兒。  
恰好是頭廳相天下事。那一樣不是僥倖來的。我  
武皇以天下兵馬。委邵陵諸王自家兒子。見父親。

餓得這樣田地、還不肯出力、好不可恨、

**醉中天**

你賣弄煞長梢靶、被他人腳底踏、只得向

前度劉郎訴著他氣、那蕭娘不下偏、不肯把兵來  
救搭、各自己稱孤道寡、一家兒眼望巴巴、這口氣  
若不是我七官家、怎吐得出來、奚童你有酒再篩  
一碗我喫、**丑**老爹你哭了半日、我不奈心煩、睡著  
了、你還要酒喫哩、**生**笑你拿一碗來、我想那一日  
在太尉軍中、見一搵子、肩上挑一面、忽刺刺泥金  
報字旗、報道侯景拿住了、好不快活也、

**金盞兒**俺這裏鼓兒撾。逢著他影兒拿。荊州將士  
全披掛。馬前縛到頸先。義叫聲聲將頭拉。忽地裏  
委泥沙。拍手兒童投礮。瓦唱道是賣侯疤。今朝漢  
社稷。重數中興年。我那時自謂得所事矣。誰想我  
元帝呵、

**一半兒**你只要江東士庶省喧譁。却不道報怨申  
仇誰奪咱。爲甚的姓蕭骨肉沒緣法。這丟兒有些  
虧心大。錦片樣江山做一會兒耍。咳我武皇帝止  
靠這箇兒子。一發不濟事了。便是我沈初明半生

淪落只有這場遭際。王太尉教我草平賊表章。七  
官家雖號忌才。畢竟篇篇嗟賞。若遇漢武好文之  
主。不在鄒枚莊馬下矣。今者天涯衰白。故國蒼茫。  
才士轆軻。一朝至此。正是往時文彩動人主。此日  
飢寒趨路傍。豈不可歎。

**後庭花** 俺也曾學春秋贊五家。俺也曾誦齊詩通  
三雅。腳踏著夜月扶風馬。眼迷暎春風鄂杜花。醉  
時節口波查。鞭指定平津來罵。鬆泛泛逞機鋒。傾  
陸賈。實丕丕運權謀。獲呂嘉。大刺刺棄關繻車騎。

誇。赤。資。資。買。黃。金。詞。賦。佳。嬌。滴。滴。走。臨。邛。擁。麗。娃。  
嚮。搜。搜。射。南。山。追。鹿。麋。到。如。今。你。道。變。做。甚。麼。光。  
景。骨。碌。碌。呆。不。騰。花。木。瓜。怯。生。生。戰。都。速。井。底。蛙。  
便。是。有。數。幾。個。人。也。不。見。得。了。氣。昂。昂。汲。大。夫。把。  
手。叉。口。便。便。老。東。方。緊。閉。牙。我。呵。那。裏。渺。茫。茫。盼。  
黃。河。博。望。槎。只。得。急。煎。煎。問。成。都。那。個。君。平。卦。我。  
一。腔。心。事。也。告。訴。不。得。許。多。奚。童。有。隨。身。紙。筆。待。  
我。做。起。一。道。表。文。奏。過。武。帝。丑你。看。我。老。爹。真。是。  
個。人。窮。智。短。你。有。奏。文。不。去。大。大。衙。門。裏。投。到。向。



泥菩薩說鬼話哩。**生**表已草完待我拜禱一番。**丑**

難道沒一個接本的。如今左右都是做戲待我也

充一充我乃漢朝黃門官是也。**生**咄你迴避去。**丑**

下

**青歌兒**拜告了君王。君王鑒察休嫌我書生。書生

兜搭羈旅孤臣憔悴殺。漢武皇呵俺也不用大纛

高牙。紫綬青綱只願還咱草舍桑麻。濁酒魚蝦冷

淡生涯。武皇我如今在三條九陌騎著一疋青驢

眼見他們田寶豪華。衛霍矜誇。僮僕槎枒。歌笑淫

哇。俺、這、一、個、不、慙、不、慙、的、沈、初、明、站、在、那、裏、好、像  
個、坎、井、蝦、蟆、霜、後、壺、瓜、咳、武、皇、你、當、日、臣、子、如、嚴  
助、東、歸、長、卿、西、返、遭、時、富、貴、還、要、衣、錦、故、鄉、我、沈  
初、明、懽、懽、至、此、求、一、紙、路、引、兒、還、不、能、彀、哩、你、看  
那、一、帶、呵、山、谷、谿、呀、烏、鵲、啼、啞、好、教、我、駿、馬、鞭、加、  
便、算、是、萬、里、非、遐、早、及、得、春、草、萌、芽、莫、辜、負、滿、院  
梨、花、則、願、你、老、君、王、放、一、個、吾、丘、假、呀、漢、武、是、異  
代、帝、皇、難、道、自、家、主、人、翁、到、不、去、告、訴、他、你、看、雲  
山、萬、疊、我、的、臺、城、官、闕、不、知、在、那、裏、只、得、望、南、一

拜生拜介

賺煞尾。則想那山遶。故宮寒。潮向空城打。杜鵑血。  
揀南枝。直下。偏是俺立盡。西風搔白髮。只落得哭。  
向天涯。傷心地。付與啼鴉。誰向江頭問。荻花。難道。  
我的眼。呵。盼不到。石頭車。駕我的。淚。呵。洒不上。修。  
陵松。櫝。只是年年秋月聽悲笳。生醉睡介。

第二齣

外扮漢武帝。雜扮太監從官。旦扮侍女上。外影娥。  
池畔草芊綿。青雀低飛輦。路邊憶賣玉箱。曾入市。

別來銅狄又經年。孤家漢武皇帝是也。穆天子觴  
我於盤石之上。戲賭吉光裘。倒虧巨靈指點。贏了  
他渠黃小駒。升於太行。還絕河濟。已到通天臺。如  
此良夜。可無佳客。那些從官們。一箇箇能言快論。  
只是他把世間興廢。看得淡了。倒覺沒趣。譬如賈  
生不哭揚子無愁。縱有嶽崎歷落之氣。怎能發感  
發出來。所以數百年來。天下逗遛幾篇文字。反被  
後生批駁。說道上邊筆路。漸覺尋常。俺仔細思量。  
只因不比人世愁。多非是關俺神仙才。盡不如這。

班參不透耐不得的漢子哀吟狂叫聽將去反覺動人。適纔有個江南沈秀才哭哭啼啼爲著老蕭何子孫梁武帝訴出箇天大來的不平。不知他是古佛化身。那要你孤臣洒涕。只是一片心腸。也不要埋沒了他。從官拿他表文上來。雜遞表文介外。這表章儘是去得。咳。我做一世帝王。怎般雄才大畧。慣被那不識時務的儒生。輕輕薄薄說一句秦皇漢武一筆丟下了。這沈秀才倒肯做著表文。拜告我這失勢的官家。煞是可敬。田丞相引他上殿。

田領旨、沈先生、我主有請、**生**驚起、老先生高姓、**田**  
學生姓田、名千秋、**生**這是田老丞相、素昧平生、知  
是睡裏夢裏、**田**學生虧做一箇夢、便做了丞相、這  
一派傳將下來、如今做官的都是做夢哩、老先生、  
你還不知吾主、等待久了、**生**梁朝原鄉侯尚書左  
丞沈炯見駕、**外**沈卿羈旅悲秋、一何憔悴至此、**生**  
微臣異鄉失路、亡國興哀、仰動聖懷、不勝惶悚、**外**  
沈卿、你家梁武帝、原是個西方古佛、恐怕那因緣  
纏繞、到虧了一陣罡風、把有爲世界、一齊放倒、然

後撒手逍遙。天然自在。這些興亡陳迹。不過他蒲團上一回睡覺。竹篋子幾句話頭。你只管替他煩惱。爲著甚來。生。喫棒如來。原無真相。就他一人身上。只索罷了。只是世界之內。不宜有此。那天公主意。却是爲何。外。若論人世滄桑。那個不到這個田地。便是孤家。何等英雄。雖然宗廟園陵。粗成結果。究竟哀蟬落葉。仍痛故姬。歸來望思。空傷愛子。刀磨石上。雍門之鼓瑟。堪哀。盃出人間。隧路之模金。可畏。豈必臺城之樹。獨有悲風。只此長安之宮。止。

餘明月沈卿你聽我道來

**雙調新水令**

歎西風峭緊暮林凋把江山幾番吹

老偏是你黃花逢卧病斗酒讀離騷那舊壘新巢  
斜陽外知多少這篇文字自古如此何足多恨我  
想古人違齊處魯不居一邦今上帝命朕爲華胥  
國主還任此臺沈卿客游到此不如揀像意的官  
做一個兒罷

**駐馬聽**俺僊仗逍遙高枕華胥擁二嶠你客卿清  
要吹臺禁選借枚臯展油幢挿起侍中貂據胡牀



斜側參軍帽。沈卿。你在梁朝做官。有許多年月了。  
生。湊上些舊年勞算得來。三四考。臣炯負義苟活  
之人。豈可受上客之禮。以忘老母哉。陛下所諭。臣  
不敢受命。外。這樣不識擡舉的。

**攪筆色**。好一個呆才料。倒是咱甜句兒緊相邀。反  
惹他腆著胸脯氣。眼眼將言回報。有甚麼通天才。  
學不肯的。屈脊低腰。你要回去呵。便做馬牌勘合。  
都填著也。要待十日三朝。從官上。吾主再四殷勤。  
左丞何無留意。生。沈炯國破家亡。蒙恩不死。爲幸。

多矣、陛下縱憐而爵我、我獨不愧於心乎、如必不  
得已、情願効死、刎頸於前、從官臣等苦言勸勉、他  
涕泗橫流、以死自誓、執意不從、外這個也不要怪  
他、受遇兩朝、違鄉萬里、悲愁佗條、分固宜然、只是  
他無國無家、欲歸何處、沈卿我這臺上、那江南光  
景、儘望得見來、

**沈醉東風**這一帶半天嵩少、那一搭兩點金焦、生  
果然是江南風景好、風吹夢落廣陵潮、聽鐘聲敲  
破匡廬曉、沈卿你看、都是些澹煙衰草、生、好、感、傷、

也。只怕你故國鶯花總寂寥。若回去呵。可憐煞斷鴻縹緲生。臣一望家鄉心如摧割。求陛下速加矜允。早就歸程。外笑介。偌大一個漢皇帝。難道別酒不能備辦一杯。叫光祿寺擺飯。與沈左丞餞行。傳話後宮。與麗娟出來送酒。旦上。畫眉猶未了。漢帝使人催來了。

得勝令旦。只得向簾前走一遭。大古裏秀才家饒眼。腦爲甚面龐迸定。胡遮調教我脚步騰。那懶去瞧外。叫麗娟女伴催介。旦。嘮叨是這等苦支喳閒。

厮叫蹊蹊倒爲著酸黃蘗冷氣淘麗娟叩頭萬歲  
爺那吾丘司馬陪宴栢梁從未喚麗娟侍酒今日  
請個酸溜溜的秀才喚麗娟怎的外他是江東才  
士失路思家你唱一隻解悶曲兒與他把盞者且  
理會得取盞上

**喬牌兒**旦只爲你沈婆兒會作喬喚了俺漢宮人  
忙來到便算是秀才慣病難醫飽也莫把酒杯兒  
放忒高萬歲他只管短歎長吁持杯不飲生微臣  
聞此幽渺之音倍增流離之感只爲著寶劍飄零

空負了玉釵敲斷一聲何滿。不覺涕垂委實不能  
飲了。且我道他是粗笨秀才。這句話兒倒也可人  
心意。便是俺麗娟一去人間。犀沉玉冷。看那市朝  
遷改。黯地傷神。何況他南國香銷。美人黃土。正是  
人言愁。我亦欲愁矣。

**掛玉鉤** 且俺便做燕子橋邊柳。萬條也遮不住愁。  
來道儘教他腸斷東風碧。玉蕭咳。沈郎不要說你。  
便是我麗娟。聞點勘春愁稿。那漏遲遲人悄悄也。  
不禁占定闌干。只落得淚滴花梢。萬歲爺這秀才。

愁悶如此。到不如早些放他回去。外我叫你勸酒。  
到替他說人情。只是便宜了你。唱不得幾句曲兒。  
生微臣快覩天顏。優承禮遇。今日拜辭闕下。仰荷  
生成。世世生生。不知所報。外沈卿。此上界瑤居。卿  
以宿緣。合當到此。數十年後。當待子於三十六峯。  
指麗娟道。此妮子因窺吾煉藥。偷絳雪丹一粒。得  
成仙果。在王母第三女玉卮娘子位下。今日一見  
沈卿。不無留戀。合是夙緣。卿若重過此臺。當以妮  
子相贈。咳。左丞我甚不惜放卿還。但不審何時復

至耳。旦這一天涼月。萬歲爺何不到黃山下。打獵一回。就送左丞歸去。外說得有理。換了我的衣服。侍女們携了樂器。多帶些酒來。

**折桂令**

**外**

急忙裏。裊金鞭。走送河橋。換矯帽輕衫。

背桿撥檀槽。古道荒郊。獵痕青。燒玉兔。媒嬌麗娟。

你手製的錦袍一襲。從官帶得黃金三十斤。與

沈卿。沈卿贈征人鴉青嚮鈔。禦秋風。狐白輕袍。生

親勞。御駕相送。復賜路資。微臣叩謝天恩。拜辭去

了。外沈卿不要就行。待我再獵一回。送你到函關。

外去。旅雁嘹嘹。別馬蕭蕭。出秦關。風引旌旗射南。  
山霜滿弓刀。

**沽美酒**

**衆**做勢兒圍場遶。號頭兒人叢叫。叫女將

穿圍打花鳥。緊扣著獅蠻帶小。一轡頭。踰過山前  
哨。

**太平令**

**衆**放蒼鷹。星眸玉爪。疊凡禽。雨血風毛。到

明朝。歸來平樂。少不得三軍齊犒。你可須自文豪  
興豪。奏長揚賦草。呀。纔顯得沈東陽文章馬稍。**雜**  
這是函谷關上了。**外**從官叫他開關。**丑上**星霜嚴



夜柝車馬候晨鷄、自家函谷關把總便是、半夜三更、那個在此討關、**雜**咄、有緊急文書、星夜前去的、**丑**拿文書我看、這是元封年號、我在錢眼上不見有元封通寶、這是假的、我老爺睡了、**雜**他胡言亂話、說文書字號不對、不肯開關、

**錦上花**

外便算是虎頭牌對差年號、遮莫你狼牙

峪刁蹬衣包、這厮呵、黑睡、勦勦慣、噏燒刀多大官

兒、語言胡哨、**雜**還不開、**丑**畢竟那一家、也要問個

來歷、

么篇外則問你這重關起首誰家造。沒眼敲材盤  
問根苗。叫左右的、打開來罷。沈卿只說你家蕭公。  
但看孤家。一個關也討不下來。失勢官家。傍州廝。  
照道破關頭出門長笑。關已大開。沈卿可以行矣。  
旦秀才前途保重。咱們隨駕回了。下生醒。奚童我  
們出了函谷關。快些回去。丑甚麼函谷關。生適纔  
漢武帝送我過關的。丑這是通天臺下酒店裏老  
爹睡著。奚童也打一個盹兒。生適纔武皇置酒殷  
勤。就是麗娟也裴回送別。難道都是一夢呀。據此

佳兆。我定歸期有日了。只是一席閒談。許多指點。他說我梁皇依然極樂。自家倒無限淒涼。正是一曲哀歌。茂陵道。漢家天子葬秋風。那見得玉匣珠襦。便勝著金戈鐵馬。總付之一江流水罷了。便是我沈初明。若使遭遇太平。出入將相。今日流離喪亂。困頓饑寒。到頭來總是一場扯淡。何分得失。有甚爭差。到爲他攪亂心腸。搥胸跌腳。豈不可笑。武皇。你教我多矣。

**鴛鴦煞** 俺便是三年狂走荒山道。那怕他一朝餓

死填溝壑。黑海波濤。枯樹猿猱。猛地裏。老黃龍。棒頭喝倒。還說甚苦李甜桃。好一個悶葫蘆。今朝拋掉。都付與造化兒曹。哈哈。沈初明三十年讀書。一些沒用。剛虧了通天臺那一篇漢皇表。

臨

春

閣

臨春閣

梅村吳偉業著

正目

浣夫人錦織通侯

張貴妃彩筆詞頭

青溪廟老僧說法

越王臺女將邊愁

第一齣

旦戎服錦華雜從上。中原逐鹿辨雌雄。誰辨雌雄。

俗眼同。天使李陵兵敗北。不教女子在軍中。自家。

高涼洗氏。譙國夫人是也。俺笑男兒慣裝門面。明。

是箇鬚眉短氣。倒推開說。此輩都是嫖人。女娘怕。



下排場。怎見得眼額輪人。偏羞澁道。恨我不爲男子。難道咱家三搭梳頭。兩截穿衣的。就是一些没用麼。譬如我冼氏家在梁州。世爲南越。長歸馮氏。喬山北燕。好立軍功。耻從夫爵。謝聖恩可憐。冊爲譙國夫人。仍開幕府。置長史以下官屬。給印章。聽發六州兵馬。便宜行事。那幾箇不伏氣的秀士酸。徠看告示。上大刺刺填着記室。叅軍。急忙裏鑽官。討缺。便算是慣打硬的。强弁悍帥。見令旗邊明晃晃。懸著銅鑼勢劍。一納地。叉手低頭。止坐君等無。

人會須成出吾下。昨日新下詔書。賚繡幃油絡駟馬安車一乘。鼓吹一部。命我巡視諸邊。那各路諸侯。外邦君長。齊集轅門。聽吾將令。正是玉帶錦裘。行塞外。旁人錯認小馮君。在吾一婦人。也算是威權不小。但須廣布朝廷德意。宣慰十路軍州。無謂女子乘邊。致使越人輕漢。叫左右的起鼓開門。衆錦傘旗幟刀劍儀從上。

**點絳脣**紫葢文軒。刺桐庭院。流鶯囀。黼帳高擎一朶紅雲宴。



**混江龍**

則看那雌霓旌展。蓮花寶鏑護嬋娟。赤緊

的關氏捧轡。徵貳擎鞭。夫人城金湯十二娘子軍。  
鐵騎三千得雄王得雌霸軍爲呂氏驢非驢馬非  
馬妹似孫權不用求雷尚書陸侍中斜封墨勅比  
得過潘將軍。婁御史寶馬銀韉。篩幾聲諸葛鼓不  
怕他人貽巾幘。畫一幅伏波像誰說道女累凌煙。  
俺這裏房帷譙國非容易。眼看他粉黛彭城實可  
憐。不信是幾人冠蓋。剛剩這一道山川。末嶺南道  
嶺北道各州刺史進見。旦請進來。衆進介。旦諸公

皆上將鴻勲、名流貴冑、今日受吾節制、恐未必甘  
効鞭箠、只是既忝旌麾、必須申明約束、若有不到  
的去處、諸公勿吝賜教、衆不敢、且越人之俗、好相  
攻伐、方今主上嚴明、新奉詔書、如有不繇調遣、擅  
相侵掠者、先斬後奏、公等宜訓齊所部、尊事朝廷、  
無得犯吾軍令、

**油葫蘆**你看俺刻玉于闐小帶圓扣、獅蠻一捻軟  
花枝壓住五溪天、厮琅琅斜插了泥金箭、翠巍巍  
側映著銀鸞扇、少不得弓鞋踰鳳韉、皓腕按龍泉、

休道將軍冠玉饒情面。只把俺金字令牌懸。末。緬甸國扶南國、真臘國、使臣稟謁。旦。那一國率領前來。末。是緬甸國。要討慶賀的宴賞。旦。這個俺不少他的。只是要年年進貢。歲歲來朝哩。列國使臣都來聽者。

**天下樂** 你金葉文書字樣鮮。胡也波旋語駢連。赤支沙嘴臉波斯眼。踈花布將頭纏。五色珠把環穿。穩喫那一盃兒。桃柳麵末羅羅等處宣慰司。木瓜玃玃等處軍民長官進見。旦。叫左右的傳諭他爲

甚的叛服不常、數違漢法、發到軍政司定罪去、未  
稟老爺、他說是廣州都護府、頻下牌來、調遣他、會  
丁田子、搜索鐘乳空青、頻頻激變、實非其罪、且叫  
叅軍們、我謝恩本上、就把這秀才官兒帶幾筆、也  
叫聖上知道、一面僉發告示、各處張掛、盡免雜項  
差徭、只是分付他、要安心守法、不可妄動、

**那叱令**你那邊輪些銀絹、俺這邊賞些紬段、咱兩  
邊沒些嫌怨、進用單、依前件、雜差徭權放免、止供  
著、朕布、寶錢、吾奉命巡邊、文武將吏、番漢軍民、大

小畢集、可見國家威靈煒赫、薄海服從、叫左右的、  
將吾幾道詔書、欽賜的物件、陳設中延、待諸公一  
看、諸公你曉得俺意見麼、不是侈張恩寵、誇耀殊  
方、只是表國家待人不薄、就是我一婦人、止靠忠  
貞兩字、寵賚至此、何況公等、各宜努力、異日公侯  
將相、帶礪河山、寧出兒女子下乎、雜萬歲爺詔書  
五道、張娘娘手詔二道、錦袍一襲、綉段千端、衆夫  
人功高賞重、下官何敢仰窺萬一、只是張娘娘兩  
通手詔、難道也會做文字來、夫人笑道、你道做女

人的就喫不得紅綾餅宴中不得進士麼他才學  
儘看得過哩。

**鵲踏枝**他本是玉天仙飛下的錦文箋字帶着璧  
月瓊花筆掃著瘴雨蠻煙就把俺兩人對看起來  
我讓他紅樓銀管他讓我白馬金鞭你看這個錦  
袍也是張娘娘手製的

**寄生草**瑟瑟裙黃金釧猩猩袍紫玉蟬這是他春  
機自選春蠶繭春朝自送春風剪春江自捏春花  
**茜**衆張娘娘這等用心夫人該尋貓兒眼祖母珠

大大的珠子貢獻上去、不要說夫人官上加官、就是刺史們也好遷轉幾級了、**旦**吾替他掙住錦片江山、那在些些進奉、比似你做官人慣想海南裝偏是俺婦人家倒把珍珠賤、這些都收過去了、那外國使臣到來賓館賜宴、軍民長官歸自己汛地去罷、各州刺史帶領本部人馬、隨我到關門巡視一回、中軍官稟介待小官輩領兵前去、夫人不必自行、**旦**難道我去不得麼、

**錦中天**

你道俺花枝顫、怎射得柳枝穿、却不道大

樹家風馮婦傳。小膽兒能征戰。則把俺繡旗兒半捲。也不學粉蘭陵喬裝假面。休錯認老留侯女貌。嫣然衆將官就此起馬。

**後庭花**

衆唱

若不是硬硝弓輕帶轉。早則把嫩腰

肢。一會兒喘且看那繡甲鬆裁便。幾曾早蓮腮將微汗前。起初慢俄延。纔上馬香塵兒成片。風吹得步步遠。全不見半星兒。胭脂春動了。百蠻天。檳榔花紅欲然。忽聞得鸚鵡言。又立在楊柳邊。旦發令箭一枝著。守邊鎮將。速發兵馬出關。哨探一回衆



嘏同唱

賺煞軍聲下瀨船。甲士明秋練。暢好是女節度蕭  
笳沸天。現放着紫香囊。做諸公夾袋。選幕僚中也。  
算是綠水紅蓮。咳。我想馬伏波。不肯在兒女手中。  
萬里征蠻。纔不負英雄男子。伏波原銅柱雲連。驪  
屣妻兒望跼鵲。到今日呵。這樣的男兒。一箇也不  
見了。倒靠着木蘭征戰。苦了粉將軍。喬鎮綠珠川。  
暫收兵馬歸營。明日點名給賞。下。

第二齣

末扮太監上自家張娘娘名下穿宮內使蔡臨兒是也。娘娘恩寵無二。萬歲爺言聽計從。只是老皇親不能入宮。就是官人袁大捨代筆做幾篇文字。那打聽衙門事件。批駁各路表章。畢竟還待俺家商量。今日萬歲爺呼喚。要娘娘做嶺南節度使的勅書。好笑。這官兒也是個女人。我想娘娘有俺家伏侍。做節度使的手下幾萬人馬。難道都是內官家兒。那個官一定被下人喂弄去了。說話之間。早到官門。袁學士有麼。老旦扮袁大捨上。漫號披香。

博士居然文籍先生。蔡家今日有何章奏。**末**萬歲  
爺要娘娘做嶺南勅書一道。**老旦**待娘娘早膳過  
方好稟知。**小旦**扮張貴妃上。無雙漢殿鬢第一楚  
宮腰。自家張麗華梳洗纔畢。且把昨日應制的詩  
簡點一番也。

**粉蝶兒**花動吟眸。思遲遲曉鶯催就。粉搓成沈謝  
曹劉玉纖寒。香篆永。瑣牕清晝。只爲管領春愁折。  
倒個詠花人。替花消瘦。**老旦**女學士袁人捨叩頭。  
願娘娘千歲千千歲。萬歲爺差蔡臨兒。要娘娘做

勅書一道在宮門取旨。小旦這是翰林院職掌，誰奈煩做他大捨。

**醉春風**不爭俺貴人院燕鶯儔，倒替他太史公牛馬走。君王好自沒來由，且教他候候多大心腸。早來公事夜分詩酒。末蔡臨兒叩頭。小旦萬歲爺要做那一道勅書。末是嶺南道女節度洗氏，今日就在臨春閣賜宴。小旦知道了，你在外廂伺候。老旦嶺南有個士府君，今日又有女節度娘娘，好個捉對兒。小旦我想婦人家做到節度使，官也不算小。

了就是我兩人生長深官、頗長文翰、若同外朝取  
應、何懼不得一官。**老旦**如今江上緊急文書、萬歲  
爺終日沉醉、那個不繇娘娘調遣、節度使多大官  
兒、就是大捨也做得過、娘娘何必問他。**小旦**學士  
你不曉得我的意兒、

**石榴花**當日箇憑高西望白蘋洲、金彈打班鳩、  
地裏聽烏飛、黃鶯斷磯頭、銅雀鎖諮謀、情思悠悠、  
深宮閒却磨崖手、鎮無聊、花月吟謳埋沒咱能文、  
會武君王后明教、讓女伴覓封侯、

**閩鶴鶴**他雖有十路軍州。俺須是三公師友。不爭他都護將軍。則便你參謀祭酒。兒女家人材。怎見一筆勾。只爲他軟款優游。做盡了窈窕溫柔。但是他出得手呵。一般樣玲瓏剔透。**老旦**聞得他昨日在西園射柳。好生英雄了得。**小旦**這箇我就不如他。

**上小樓**東閣看花。西園射柳。早則是軟玉籠腰。鸞靴蹣跚。寶馬輕裘。比似我擁羅綢。護衣篝。幾聲咳嗽。看這張軟稍弓。添些僂倻。**老旦**娘娘吟詩作賦。

所事聰明。這箇羨他則甚。小旦學士。我不但文字上去得。就是諸般技藝。那一件輸人。偏在弓馬上。折了氣分。好生著惱。

**么篇**折莫是擘箜篌。打宮毬。雙陸圍碁。卷白迴波。射覆探闔。信口謔。信手投。將無作有。偏扶上那轡頭兒。教咱落後。老旦娘娘。我們且到東閣裏。將勅書寫完。萬歲爺多早就到了。下生上東國佳人推善賦。南朝天子號無愁。孤家陳後主。以國事付貴妃。張麗華。果然帷幄重臣。夙夜匪懈。宮中稱爲二

聖。一國不知三公可謂委任得人。吾無憂矣。今日  
有嶺南節度使沈氏在他宮中賜宴。就召江孔二  
學士同賦新詩。小旦臣妾張麗華見駕。生貴人少  
禮。那嶺南道的勅書可曾做完。老旦女學士袁大  
捨叩頭。娘娘做完多時了。生宣讀勅書。原是學士  
的職掌。你將娘娘手筆讀與我聽。老旦領旨。取勅  
讀介。詔曰。朕惟銅柱風微。珠崖日遠。凡諸襁褓。咸  
負旌麾。桓元子之聲。恨雌曲逆。侯之容。雖美徒勞。  
繞。泳。漫。衣。繡。緇。諸。干。何。似。吹。箎。反。勝。健。兒。快。馬。彼。



丈夫也有嬖人焉。咨爾譙國夫人冼氏家出當熊之裔。人居馴象之邦。才過蕭娘。名高馮婦。曹娥江輕舟遠。泝杜姥宅。油壁來朝。朕用嘉爾忠貞。賈其庸績。特加嶺南都護府大將軍。一切所屬文武將吏。先斬後奏。便宜行事。八百媳嬖。烽烟消。銅鼓之山。萬歲鄉。君湯沐。食明珠之郡。曹大家修兵書一卷。唐夫人補鏡吹三章。用表武功。永綏南服。欽哉。生撫掌大笑道。如此手筆。貴妃真才調。女相如也。孤家想起來。偌大一個陳國。兩班臣子。無一個出

色的。今日得貴妃做詞學近臣。沈氏任邊關大將。你兩人一爲我看詳章奏。一爲我巡視山河。朕日與二三狎客飲酒賦詩。好不快活也。**小旦**只是做皇帝的忒便宜了。**生**大捨就把那嶺南獻的珠璣犀象與娘娘潤筆。**小旦**這個倒不消用他。

**滿庭芳**俺便是明珠莫受。珊瑚易購。翡翠誰求。只要荔支香。一騎紅塵驟。潑新鮮。圓顚釵頭。那時節呵。摘得個合歡枝。君王笑口說是俺賣文章。應潤詩喉。風過處。春先逗。投至得嶺南章奏。女相如消。

渴。定。無。憂。末。稟皇爺、譙國夫人、江孔二學士、在宮  
門候見。生。宣他進來。旦。臣妾嶺南節度使冼氏見  
駕。小生副末。臣江總孔範叩頭。生。人都道節度使  
是粗官、把女人做了、一般樣好看的。小旦。  
**脫布衫**。早學得宮樣梳頭、不像箇生在邊州。裊春  
風一枝兒、荳蔻消得俺筓條般指尖。除授。生。聞你  
在嶺南、大著聲名、良深勞苦。旦。此皆奉萬歲威靈、  
娘娘籌算、臣妾何力之有。小旦。你看他說話兒、煞  
是好聽也。

**小梁州** 恰似他簾外鸚哥是舊游一般兒萬歲千

秋。老旦嶺南人原是鸚哥兒鄉里哩。**小旦**男兒結

束女兒羞紅袍笏羅襪一鈎鈎。

**么篇** 垂螺拂黛連城守。沒包彈花密香稠似這做。

官人誰能勾。指江孔道他外頭全然不濟。儘文章

弓馬我輩占風流。**生**譙國在貴妃左近。特賜繡墩

學士於御座東偏。同分天饌。光祿寺可曾完備麼。

雜完備多時了。**生**學士同游。畧去苛禮。洗氏遠來。

貴妃須親賜一盞。以代朕推輪。**小旦**領旨。**生**袁大

捨雖係官人已班學士今日可充陪宴官老旦叩  
頭雜叫教坊司起樂小旦賜酒旦謝恩訖江孔二  
學士奉酒獻生日奉酒獻小旦小生海宇清寧遐  
方入貢臣等敬爲陛下娘娘進萬年之觴生朕與  
貴妃舉卿之觴卿等同之衆謝恩坐訖小旦喚老  
旦你看君王呵

**快活三**夫人行怎勸酬須女伴結綢繆就是先氏  
也不好獻酒呵他怕是君臣雜坐錯觥籌低低道  
君王壽生舉盞道天子請客女將來朝可謂盛事

諸臣各賦詩一章。送貴妃批閱次第入選者賜錦袍一襲不成者罰清酒三升。小生末領旨。小旦是好題目也。我索先做者。官人捧文房四寶上。小旦四邊靜。江山如舊。漫憑高。清尊思幽。早則碧玉紅樓。授簡同枚叟。銀牋自修。酒搵咱湘紋袖。詩已成。了。官人送生。覽生念征衫窄窄。越羅香細。骨輕軀好。急裝軍。駐小姑吹夜角。江山不復數。周郎生是好詩也。官人取詩到下席傳玩。只怕連孤家也屬和不來。小旦陛下休得取笑。

**耍孩兒** 俺不過湘娥含笑相拋擲。怎及你陳王八  
斗正遇着兔園高會栢梁遊。待詩成笑傲糟丘。那  
學士的詩也該就了。但得箇翰林風月三千首。抵  
得他都護關河二十州。**旦** 臣妾有何德能。娘娘如  
此過獎。卿知否。只爲你山明水秀。惹得我酒病詩  
愁。

**三煞** **旦** 春纖分越袖。花鬟插石榴。屏山六扇橫波  
溜。只道伊瓊窗抱瑟拋紅豆。那曉得玉帳分弓映  
碧油。端詳久。笑殺他明經學究。認不出織女牽牛。

小生末臣江總孔範應制二詩進覽生送貴妃看

小旦那江令畢竟去得大捨傳諭他說二詩工力

俱臻妙境只是孔詩落句詞氣已竭江令結處尚

有神采畢竟江第一孔次之老旦娘娘傳諭江學

士第一孔學士第二生著取錦袍一襲賜與江卿

小生謝恩訖小旦

三煞背蘭缸好句搜踞銀床吟未休落紅滿地如

鋪繡生旦合唱那一篇蒲萄小賦邊愁入這一首

芍藥新詞宮體收名非謬難爲他獸環鴛鴦又尋



思金騎長鞦。旦臣妾飽飫天厨，仰承宸藻，就此面

謝聖恩，辭朝前去了。小旦同旦合唱

一煞向花前，把手揉，悵分携，獨自留。寒山暝色添

眉皺，今日裏杜鵑聲急，催官漏。明日裏楊柳風和

拂御溝，何時又重會。面湘川，楚岫再登程。桂檣蘭

舟。小生明日智上人，在青溪寺講維摩釋論，請娘

娘拈香，何不就命先氏護駕。生說得有理。先氏明

日領勅辭朝，就帶羽林三千人保駕，到青溪聽講。

你便從此登程，不必復命了。小旦說甚麼護駕，只

當餞行罷了。**旦**臣妾豈敢。**小旦**

**尾**春郊送阿侯。青溪重載酒。道不得是俺主人情。  
厚則說爲講經臺折江頭數行柳。**下**